



Ein neue geschicht - 2 -

✓ baide jung vnd alt fraüen vnd mann / knecht vnd mägd  
sehen daher kumen / <sup>n</sup>Wie mandt aber hat gewisst wz dz  
sein werdt / vnd sy haben sich versamlet vnder ainer  
linden / vnd ir bei dreissig in die stuben gangenn / /169-a/  
den Clement vmb gotes willen gebeeten / er sol inen anzei-  
gen den willen des herren / hat er in geantwort / Secht  
an lieben freundt dz ir kain affenspiel treibt / der  
willen des herren ist in euch / ich wil euch nicht ver-  
b<sup>o</sup>rgen haben / secht nur dz ir mit Worten darnach thuet /  
vnd lebt / Ja wo haben wir ein ort stell oder stat dar  
zue / haben sy geantwort / vnder jeniger Linden sam-  
let sich dz volckh / ist er zu inen k<sup>o</sup>umm / vnd ge-  
redt von Adam an / nach leng des herren pundt vnd gebot  
erklärt / mit dem sein die schergen mit sambt dem canntz-  
ler von Glotz / aus beuelch des graff hansen von harteckh  
kumen / haben in gefenckhlich angenommen / ist er willig  
mit inen gangen / dz volckh ist aber hafftig mit ge-  
loffen / haben in zue glotz in pfaffenthum gelegt / vnuer  
hört / darnach in die <sup>f</sup>shengen stuben gefürt / fra-  
gende / wz er vom saarment halt / hat er geantwort /  
/169-b/ gleich als vil als von euren pfaffen / auch der  
tauff halben gefragt. / nach dem haben sy in behalten / et-

Ein neue geschicht - 3 -

lich tag im radthaussthurn / bei der nacht hat in der  
richter sambt dem schergen / auss der stat gefüert / also  
ists auch zue reichen bach geschehen / aber im gefänckh-  
nuss mann hat zue glotz vier edlleüt gefangen / wölliche  
der warhait zeucknuss geben haben / hat sy aber aussge-  
lassen on alles widerrüeffenn /.

Von diser linden hat gesagt capistranus / dz der sy ab-  
hawen wiert erblinden werdt / wenn sy widerumb auffwaxt /  
(als dann geschehen ist/) so wer dz recht ware euaggelion  
darunder gepredigt werden / vnd nit lang darnach werdt der  
jüngste tag kumen / vnnd dz ist wissendtlich / (als ich  
hör/) dz der man erblindt ist / der dise linden ab-  
gehawet hat / aber sy yetzunndt widerumb erwaxen ist /  
vonn disem ~~Batirio~~ Batirinio / ist hernach ge- [170-a/  
dacht worden / vor der prædig hat niemandt daran ge-  
dacht / oder in acht gehabt / ANNODOMINO <sup>[15]56</sup> jo56 Jar  
Ist diser Johan von Capistran gestorben / vnnd ist  
gleich diser münlich / der die karten vnd bretsphil hat  
verbrennen lassen / vberall auff offnen platz /

\*\*\*